



COMUNE DI SAN TEODORO



REGIONE AUTÒNOMA DE SARDIGNA  
REGIONE AUTONOMA DELLA SARDEGNA

Progèttu:

**“FAIDDHÈMU CUN TUTTU LU MUNDU  
FAEDDAMUS CUN TOTU SU MUNDU”**

Finanziàtu da la Legghji 482 di lu 1999, altìculi 9 e 15 e da la Legghji Regionali 22 di lu 2018.  
Annualitài 2022

---

## CUMUNI DI SANTU DIADÒRU

(Provincia di Sassari)

### UFFÌCIU SILVÌZI SUZIÀLI

carréra Grazia Deledda, snc – 07052 Santu Diadòru (SS) – tel. 0784/8600, fax 0784/865192

*Appruàtu cun ditilmìnu di G.C. innummaru 144 di la dì 15 di Natali di lu 2022 e  
Ditilmìnu di lu ‘ngarrigàtu di lu Sittóri Sòziu-Culturali innummaru 1431 di la dì 19 di Natali di lu 2022*

### AVVÌSU PÙBBRICU

**PROGÈTTU SPERIMENTALI CUNTRIBBUTI ECONOMICHI PA’ LI SILVÌZI CHI  
PRUMMÓINI LU PUDÉ AMBARÀ DI LI PASSONI DISABBILI ILLA PROPPIA  
RESIDÈNZIA**



Lu Cumuni di Santu Diadòru vó appruà e cumincià una dummanda sperimentali di agghjutu pa’ prummuì la fattu di pudé stà in casa pa’ la passona débili, illa proppia residènzia e illu proppiu modu di campà, cansèndi lu ricoveru in lóchi residènziali tippu RSA e assistì li parenti e badanti, punendi 18.000,00 € pa’ chistu progèttu.

## A CAL'È DISTINATU:

- Passoni chi no rescini a campà a la sóla (autossufficienti), **risidenti e accasati illu Cumuni di Santu Diadòru a la data di pùbblicazioni di chistu avvisu;**
- Pussissóri di ciltificazioni Handicap grai a li sensi **di la Legghji 104 di lu 1992, alticculu 3, comma 3** e chi àghhjini, a la data di pùbblicazioni di chistu avvisu, un pianu appustatu pa' la passòna cunfòlma a la legghji 162 di lu 1998 di **la schéda di la saluti cu' un punteggju galu o più mannu di 35.**

**Sò esclusi da la dummanda, chissi chi, puru siddhu àni lu chi selvi pa' esse ammissi, àni trattatu ill'annualità 2022 li cuntribbuti di la Legghji Regionali 20 di lu 1997 ss.mm.ii, com'e binifiziaru di un prògettù Turrà a casa PLUS.**

## IMPÒLTU E TRÈTTU PA' RICÌ LU CONTRIBBUTU

Lu 'mpòltu di lu cuntribbutu, diffinutu pa' un **impòltu massimu chi si pó ricì di 600,00 € lu mesi**, cumenciarà **la prima dì di Ghjinnàghju finz'a la dì 31 di Malzu di lu 2023** sigundu lu redditu di lu binifiziaru, cunfruntatu cu' unu di chisti ISEE cunfòlma a lu DPCM innummaru 159 di la dì 15 di Natali di lu 2013:

ISEE finza a 15.000 €	Tuttu lu finanziamentu
ISEE chi anda da 15.001 € a 25.000 €	Finanziamentu abbassatu di lu 5%
ISEE chi anda da 25.001 € a 35.000 €	Finanziamentu abbassatu di lu 10%
ISEE chi anda da 35.001 € a 40.000 €	Finanziamentu abbassatu di lu 25%
ISEE chi anda da 40.001 € a 50.000 €	Finanziamentu abbassatu di lu 35%
ISEE chi anda da 50.001 € a 60.000 €	Finanziamentu abbassatu di lu 50%
ISEE chi anda da 60.001 € a 80.000 €	Finanziamentu abbassatu di lu 65%
ISEE più di 80.000 €	Finanziamentu abbassatu di lu 80%

Lu contribbutu venarà assignatu **comu rimbussu pa' pacà li silvizi di agghjutu in casa** (agghjutu in casa assumendi passoni o pal mezu di cunvèniu cu' li Cooperativi suziàli), chi àni di stà rendicuntati, prisintendi li busti paca o fatturi. Illu casu di assunzioni diretta, la titularitai e lu gàrrigu illu scióaru e illa cura di lu trattà tra li passòni illu trabaddhu sò sólu di lu binifiziaru. A gàrrigu sóiu vi sò puru li spesi di l'assicurugnu e di la prevvidenza suziàli pa' li trabddhadóri chi sò ricumpresi illu impòltu di lu contribbutu ricunnòttu.

Lu cuntrattu cu' li trabaddhadóri à di stà in almunìa cun cantu impustatu da li cuntratti cumuni in vigóri abà pa' l'assistènzia a li passòni chi no rescini a campà a la sóla (autossufficienti).

**Lu cuntribbutu venarà frunitu in modu direttu a lu binifiziaru di lu pianu appustatu pa' la passòna da la Legghji 162 di lu 1998, alticculu 3, comma 3.**

## **MUDALITÀ PA' AZZIDÌ E DOCUMENTI DA PRISINTÀ**

Pa' li chi àni lu chi selvi, comu impustatu a innanzi da chist'avvisu, póni prisintà la dummanda pa' azzidi a lu Progèttu sperimentali **da la dì 20 di Natali di lu 2022 finza a la dì 10 di Ghjinnàghju di lu 2023** a l'Ufficiu di li Silvizi Suziàli di lu Cumuni di Santu Diadòru, cu' li mèzi chi s'ghini:

- Cumpilendi li moduli appustati chi si póni sgarrigà da lu sittu internet di lu Cumuni ([www.comunesanteodoro.it](http://www.comunesanteodoro.it)), e si póni spidì pal mezu di mail PEC a: **protocollo@pec.comunesanteodoro.it** (in chistu casu, la passona chi faci la dummanda doarà aè pa' folza un indirizzu di posta elettronica ciltificata – PEC), scrèndi ill'oggettu: "PROGÈTTU SPERIMENTALI PA' PUDÉ STÀ IN CASA PASSÒNI DISABBILI IN CASA SÓIA. INVÌU DOCUMENTAZIONI" e innommu di la passona chi è dummandendi lu cuntribbutu.
- **oppuru** pultendi di passòna lu modulu a l'Ufficiu Protocollu IN BUSTA CHJUSA, di dà a l'Ufficiu di li Silvizi Suziàli da lu luni a lu 'ènnari da li 9 di la matinata a mezudì, scrèndi puru illa busta: innommu e sangunìghju di la passona chi è dummandendi lu cuntribbutu e li paràuli chi s'ghini: "PROGÈTTU SPERIMENTALI PA' PUDÉ STÀ IN CASA PASSÒNI DISABBILI IN CASA SÓIA. INVÌU DOCUMENTAZIONI"

**No venaràni accittati dummandi undi vi manca papéri, prisintati dapói di la data di scadenza impustata o mandàti cun mèzi diffarènti cunfòlma a li chi sò impustati in chistu avvisu.**

L'Ufficiu di li Silvizi Suziàli cumunali faciarà la stima di li dummandi arriàti, cumpùtendi li dummandi chi si póni appruà e infulmarà li chi àni fattu dummanda innantu a la riscìuta (assignatu o no assignatu). La frunitura di li contribbuti sarà una 'òlta a lu mesi, dapói chi li binifiziaru presentani li documenti chi ghjustific'hghjani li spesi fatti cu' li ricìuti.

Pa' dummandà lu cuntribbutu mattèssi, **la passona chi è fendi la dummanda, pa' no esse escludu, arà pa' folza d'allegà li documenti chi s'ghini:**

- Attistatu di ricunniscimentu Handicap grai cunfòlma a la Legghji 104 di lu 1992, alticculu 3, comma 3.
- ISEE sóziu-sanitàriu, cun scadenza la dì 31 di Natali di lu 2022;
- Schéda di la salute cu' punteggiu gali o più altu di 35;
- Coppia documentu di ricunniscimentu di lu binifiziaru e/o di la passona chi è fendi la dummanda;
- Coppia codici fiscali di lu binifiziaru e/o di la passona chi è fendi la dummanda;
- Coppia codici IBAN intistatu a lu binifiziaru di lu pianu appustatu pa' la passona cunfòlma la Legghji 162 di lu 1998.

## **CUMPÙTI**

- L'attu di cumpùtu à lu scoppu di avvìguà la ghjusta applicazioni di li dispusizioni dati pa' l'ammissibilità di li dummandi, la cunfulmità di li spesi e la frunitura di lu cuntribbutu a li binifiziaru. Lu cumpùtu à di avvìguà la cunfulmità di l'azioni e li ditilmìni assunti cu' li

cundizioni e chissu chi è scrittu chi selvi in chistu avvisu pùbblicu. Pa' fà lu ghjustu actu di cumpùtu, lu Cumuni arà a trattà li 'nfulmazioni chi tènì, e puru chissi chi tenini l'enti di la Pùbblica Amministràzioni.

- Li cumpùti póni esse fatti a casu.
- Siddhu sarani agattati falsi dichjarazioni, lu Cumuni si cumpoltarà cunfòlma a li sensi di l'alticculu 75 di lu d.p.r.n. 445 di lu 2000 a la revoca di lu finanziamentu e a pruzzidì a turrà indarétu li dinà.

### **INFULMATIVA IN MATERIA DI GALDAMENTU DI LI DATI DI LI PASSONI, A LI SENSI DI LU RÉGULAMENTU GENERALI PA' LU GALDAMENTU DI LI DATI DI LI PASSONI N. 2016/679 – GDPR**

- Li dati di li passoni riciùti cu' la dummanda e li documenti allegati:
  - ✓ Sò riciùti da passoni appustati inghjittati a lu trattamentu di chissi datti e trattati, puru cu' li strumenti infulmatici, solu pa' frunì li misuri in oggettù e solu cu' lu scoppu prevvistu da l'uldinamentu;
  - ✓ No sarani mandati a passoni angeni di fóra;
- Li dati di li passoni venaràni trattati innant'a li basi giuridichi chi sighini:
  - ✓ Lu trattamentu selvi pa' l'esecuzioni di li inghitti di intaressu pùbblicu e/o pa' trattà li poteri pùbblichi da palti di lu Cumuni;
  - ✓ Lu trattamentu selvi a lu Cumuni pa' un ubbrìcu ligali;
- Li dati passionali venaràni adducati pa' lu trèttu chi selvi a cumprì lu scoppu di chista infulmativa. Li dati podarani esse adducati pa' un trèttu inceltu solu siddhu è comu dici la legghji o cunfolm'a li réguli.
- Li réguli innant'a la privacy (alticculi 12-22 di lu Régulamentu UE 679/2016) garantìghja a lu 'ntarissatu lu drittu di esse infulmatu innant'a li trattamenti di li dati chi lu mintóani e lu drittu di azzidì in cassisia mumentu a li dati mattessi e di dummandà l'aggiornamentu, l'integrazioni e lu currèghju. Candu vi sò li cundizioni previsti da li réguli, lu 'ntarissatu à lu drittu a buccari li dati, a galdanni lu trattamentu, a la pultabbilità di li dati, a punissi contra a lu trattamentu e a no esse presi a dizzisioni fundati solu innantu a lu trattamentu automatizzatu. Pa' eselcità li proppi dritti, e pa' infulmazioni più in fini innant'a li passoni o li classi di passoni chi sò infulmati di li dati o chi ni éninì a sapè palchì sò li chi só' ingarrigati, lu 'ntarissatu pò dummandà a lu Titulari: Cumuni di Santu Diadòru. Siddhu si pensa chi sò stati violati li só' dritti, lu 'ntarissatu podarà diffindissi dummandendi la chèsca addananzi a lu Garanti pa' lu galdamentu di li dati di la passona.
- Lu Titulari di lu trattamentu e lu Cumuni di Santu Diadòru, cun sedi legali in Santu Diadòru (SS) carréra Grazia Deledda snc.

## INFULMAZIÒNI

Pa' infulmaziòni dummandà ill'Ufficiu Silvizi Sòziu-Culturali da lu luni a lu 'ènnari da li 9 e mezu di matinata a l'una (09:30-13:00):

- Ingarrigata di lu Silvìziu Sòziu-Culturali – dr.ssa M. Malgarìta Lecca – tel. 0784 860053 – email [m.lecca@comunesanteodoro.it](mailto:m.lecca@comunesanteodoro.it);
- Assistenti Suziàli Marina Mura - tel. 0784 860051 – email [m.mura@comunesanteodoro.it](mailto:m.mura@comunesanteodoro.it);
- Assistenti Suziàli Silvìziu PLUS CDG – tel. 3427957434

Santu Diadòru, la dì 15 di Natali di lu 2022

## LA 'NGARRIGATA DI LU SILVÌZIU SÓZIU-CULTURALI *filmatu Dr.ssa M. Malgarìta Lecca*



**FAIDDHÈMU CUN TUTTU LU MUNDU  
FAEDDAMUS CUN TOTU SU MUNDU**